



## ЧАЛА ТУҒИЛГАН БОЛАЛАРДА ЎТКИР РЕСПИРАТОР ВИРУСЛИ ИНФЕКЦИЯЛАРДА ВИТАМИН D НИ ҚЎЛЛАШ УСУЛЛАРИ

Джумаева Насиба Собировна, Восеева Диляфруз Хусиновна  
Самарқанд давлат тиббиёт университети, Ўзбекистон Республикаси, Самарқанд ш.

## МЕТОДЫ ПРИМЕНЕНИЯ ВИТАМИНА D ПРИ ОСТРЫХ РЕСПИРАТОРНЫХ ВИРУСНЫХ ИНФЕКЦИЯХ У НЕДОНОШЕННЫХ ДЕТЕЙ

Джумаева Насиба Собировна, Восеева Диляфруз Хусиновна  
Самаркандский государственный медицинский университет, Республика Узбекистан, г. Самарканд

## METHODS OF PREVENTION OF VITAMIN D IN ACUTE RESPIRATORY VIRAL INFECTIONS IN PREMATURE INFANTS

Djumaeva Nasiba Sobirova, Voseeva Dilafruz Husinovna  
Samarkand State Medical University, Republic of Uzbekistan, Samarkand

e-mail: [djumayeva.nasiba1986@gmail.com](mailto:djumayeva.nasiba1986@gmail.com)

**Резюме.** Мақолада чала туғилган болаларда ўткир респиратор вирусли инфекцияларда рахит учраш тезлиги ҳақидаги маълумотлар келтирилган. Рахит ривожланиши тезлиги тўлиқ, ўз вақтида туғилган болаларга нисбатан чала туғилган чақалоқларда касаллик даврида сезиларли даражада ошганилиги чала туғилган болаларда орган ва тизимларнинг морфофункционал етилмаганилиги, мослашии хусусиятлари, шунингдек, перинатал ва антенатал патология билан боғлиқ. Ўткир респиратор вирусли инфекциялар билан касалланган чала туғилган чақалоқларда D витаминининг профилактик ва терапевтич дозалари масалалари уларнинг индивидуал хусусиятларини ҳисобга олган ҳолда муҳокама қилинади.

**Калим сўзлар:** рахит, чала туғилган чақалоқлар, D витамины, остеопения.

**Abstract.** The article presents data on the frequency of rickets formation in premature babies, which is significantly increased compared to the level in full-term babies, which is due to the morphofunctional immaturity of organs and systems, adaptation features, as well as perinatal and antenatal pathology. The issues of prophylactic and therapeutic doses of vitamin D in premature infants are discussed, taking into account their individual characteristics.

**Key words:** rickets, premature babies, vitamin D, osteopenia.

**Долзарблиги.** Чала туғилган чақалоқларда рахит кузатилиши мультифакториал касаллик ҳисобланиб, чала туғилган чақалоқларда кўп органдар ва тизимлар морфологик ва функционал фаолияти тўлиқ етилмаслиги билан клиник, биохимёвий, морфологик ва рентгенологик белгилари симптомокомплекси билан намоён бўлиб, фосфор-кальций метаболизми ва суюклар минерализацияси бузилиши билан характерланади [1, 2, 6]. Витамин D кальций гомеостаз вазифасини бажариш учун жигар ва буйракларда 25-гидроксивитамин d3 - vitamin D Знинг жигар метаболити ҳосил бўшлиши керак. Бу vitamin D 3 организмининг витамин D билан тъминланганлигининг асосий кўрсаткичи ҳисобланиб, vitamin D 3 буйрак метаболити унинг асосий биологик таъсирини белгилайди.

**Тадқиқот мақсади:** чала туғилган чақалоқларда ўткир респиратор вирусли инфекцияларда D витаминини қўллаш усусларини таҳлил қилиш

**Тадқиқот материаллари ва усуслари:** кузатув остидағи рахит билан касалланган 30 нафар бемор (0-12 ойлик) олинди.

**Тадқиқот усуслари:** анамнестик, клиник, лаборатор. Барча беморларга умумий қон таҳли-

ли, умумий сийдик таҳлили, умумий ахлат таҳлили, қонда Са микдорини аниқлаш, қон биокимёси таҳлили ўтказилди.

**Тадқиқот натижалари:** кузатув остидағи болалар 2 гурухга бўлинди. Асосий гурух муддатидан олдин туғилган, ўткир респиратор вирусли инфекция билан хасталанган 15 (50%) нафар, назорат гурухи ўз муддатида туғилган 15 (50%) болалардан иборат. Асосий гурухдаги болалар тана вазни етишмовчилиги бўйича 3 гурухга тақсимланди: енгил даража (2500-2000 граммгача), ўртача даража (2000-1500 граммгача), оғир даража (1500-1000 граммгача), ўта оғир даража (1000 граммдан паст).

Асосий гурухдаги чала туғилган чақалоқлар ҳолатини ўрганишда калций-фосфор алмашинувининг муайян хусусиятлари аниқланилди: болалар ҳаётининг биринчи ҳафтасида қон зардобида Са микдорининг пасайиши (Са даражасининг пасайиши гестация даврига тескари пропорционал) кальцитонин даражасининг тўлқинсимон кўтарилиши ва паратиреоид гормонга буйраклар сезувчанлигининг шаклланиши кечикиши фонида тез содир бўлади. Тадқиқот давомида чала туғилган чақалоқларда сийдикда Са нинг чиқарилиши ўз вақтида туғилган чақалоқларга нисбатан

юқори эканлиги аниқланди. Эмизикли даврда Са (15-20% гача) ва Р (30-35%) сүрилиши ва ўзлаштирилиши камайиши кузатилди. Қонда остеоальцин даражасининг ошиши паратиреоид гормон даражасининг пасайиши ва чала туғилган чақалоқлар ичакларидан Са сүрилишининг бузилиши билан изохланади [14, 15]. Витамин D етишмаслиги ичакда Са миқдорининг пасайишига, гипокальциемия келиб чиқишига, сұяқ минерализациясининг бузилишига ва иккіламчи гипопаратиреоз ривожланишига (бу гипофосфатемияни келтириб чыкаради, бу ҳолат эса минерализациянинг бузилишига олиб келади) сабаб бўлади. Натижада сұяқ тўқимасининг деминерализацияси ва резорбциясига олиб келади.

Одатда, чала туғилган чақалоқларда рахит касаллиги нодаекват ташқи мұхит шароитида бола организмининг етилиши ва ривожланишининг ўзига хос хусусиятларига боғлик, организмнинг морффункционал етилмаслик фонида ривожланиди [6]. Ҳомиланинг она қорнида ривожланиш даврида чала туғилган чақалоқларда D витамины, минерал моддалар етарли тўпланмайди ва сұяқ тўқимаси структураси етарли шаклланмайди. Бу фосфор-калций метаболизмини тартибга солиш тизимларининг етилмаганлиги ва ёғ резорбциясига пасайиши билан боғлик. Бола организми интенсив ўсиши натижасида Са, Р ва D витаминига эҳтиёж ортади [5, 6]. Шу билан биргә, чала туғилган чақалоқларда сұяқ ўсиши ва оссификациянинг юқори суръатлари қайд этилиб, бу бола организмига калций ва фосфор тузларини етказиб беришда диспропорцияга сабаб бўлади. Натижада бола танасида уларга бўлган эҳтиёж ортади. Рахитнинг ривожланиши сұяқ тўқимасида коллаген структураларнинг етилмаслиги, сұяклар минерализацияси сусайиши ҳамда буйрак каналчаларида фосфатлар реабсорбцияси камайиши фонида содир бўлади. Чала туғилган чақалоқларда рахит ривожланишига олиб келувчи хавф омиларига қуидагилар киради: туғилганда тана вазни кам бўлиши, турғун ацидоз, нафас олиш бузилишининг узоқ муддатли кечиш синдроми, узоқ муддат парентералозиқланиш, бронхопулмонал дисплазия, энтеропатия, ҳомиладорлик даврида D витамины тушиши камайиши, эрта неонатал даврда дори воситаларини буюриш (талвасага қарши, диуретиклар ва бошқа дорилар), мослаштирилмаган аралашмалар билан озиқлантириш, калций ва фосфорнинг озиқ моддалари билан етарли тушмаслиги, кўкрак сути билан озиқлантиришда D витаминини профилактик буюрмаслик, жигар, буйрак, тери, ошқозон-ичак тракти фермент тизимининг етилмаганлиги, жигар, буйракда D витаминининг фаол метаболитлари ҳосил бўлишининг бузилиши ва бошқалар. [7, 8]. Рахит касаллиги клиник кўринишлари ҳаммага яхши мъълум ва касалликнинг оғирлигига боғлик [1, 5, 7].

Тадқиқот давомида асосий гурухдаги болаларга D витаминини буюришда биз юқоридаги омилларга эътибор қаратдик.

Асосий гурухдаги болаларда рахит касаллиги енгил даражасида остеомаляция белгилари кузатилди: катта лиқилдоқ қирралари чўкиши ва бош сугининг чоклари очилиши (17,8%), остеопения (13,4%), тана вазни етишмовчилиги (38,5%), лиқилдоқнинг кеч битиши (30,3%) аниқланди. Кузатувдаги болалардаги касалликнинг ўрта оғир даражасида остеоид гиперплазия (12,6%), мушаклар гипотонияси (26,7%), болалар оёққа турғанда бошлагандаги оёқлар деформацияси (27,8%), тана вазни етишмовчилиги (32,9%) кузатилди. Лаборатория текширувларида ўртача гипокальциемия, оғир гипофосфатемия ва қонда ишқорий фосфатаза (ИФ) даражасининг сезиларли даражада ошиши аниқланилган. Рентгенологик ўзгаришлардан, метафизар ёриқ кенгайиши ва нотекислиги, сұяқ эпиметафизар қисми қадаҳсимон деформацияси, сұякланиш ядроси нотекислиги, остеопения ёки остеопороз аниқланди. Кузатув остидаги болаларда рахит касаллигининг оғир шаклида остеоид гиперплазия (2,6%), скелет деформацияси (3,4%), мушаклар гипотонияси (33,4%), статик функцияларнинг кеч шаклланиши (23,4%), кўп аъзоларнинг дисфункцияси (11,3%), тана вазнининг оғир етишмовчилиги (25,9%) қайд этилди. Кон зардобида гипокальциемия ва гипофосфатемия аниқланди, ишқорий фосфатаза фаоллигининг сезиларли даражада ошиши кузатилди. Бу гурухдаги болаларда рентгенологик ўзгаришлар янада кучайди: рахитик метафиз, "яшил новда" типидаги сұяқ синишлари, остеопороз кузатилди (14,5%). Тадқиқот давомида кузатув остида бўлган чала туғилган чақалоқларда рахит касаллигининг қўйидаги хусусиятлари кузатилди: чала туғилганларда касалликнинг эрта бошланиши (39,8%) қайд этилди. Уларда краниотабес-2,4%, чакка соҳасининг маҳаллий остеомаляцияси-1,8%, сагиттал текисликда бош сугининг зичлашиши-2,7%, катта лиқилдоқнинг кенгайиши-33,2%, кичик лиқилдоқнинг очиқлиги-1,6%, чала туғилган чақалоқларда энса сугининг яссиланиши-35,6%, ўрта даражада ифодаланган рахитик чўткалар-14,3%, вегетатив бузилишлар-8,4% кузатилади. Адабиётларда рахит касаллигига қонда ыуидаги ўзгаришлар қайд этилган: гипофосфатемия (1,5 ммоль/л дан паст); анорганик фосфорнинг концентрацияси бола ҳаётининг 3-ҳафтаси охирига бориб ортиши ва 1,5 ойликкача давом этиши; ишқорий фосфатаза миқдори ошиши. Гипокальциемия (постнатал ёш ортиши билан Са концентрацияси ортади, ўз вақтида туғилган чақалоқларга кўрсаткичларига

етмайди) аникландади. Шунингдек, остеокальцин ёки паратормон миқдори ортади. Бизнинг кузатувларимизда чукур чала туғилган чақалоқларда гипофосфатемия ва гипокальциемия ҳолати бола ҳаётининг 9-12-ҳафтасигача ушланиб туриб, шундан кейин уларнинг концентрациясининг ошиши аникланди. Сийдик анализида яққол кальциурия аникландади (сийдикда Са нинг ажралиши рационда қабул қилинган Са миқдорига сезиларли боғлик эмас), бирок фосфор бўлмайди (12,6%). Ҳомиладорликнинг 32-ҳафтасигача бўлган муддатда туғилган болаларда гиперкальциурия (1,39-1,53 ммоль/л) бутун неонатал давр мобайнида сақланиб қолиши ва қон зардобида гидроксивитамин D даражасининг пасайиши билан кузатилди. Муаллифлар фикрига кўра, чала туғилган болаларда рахит касаллигига фосфор-креатинин ва калций-креатинин кўрсаткичларининг миқдори паст бўлиши аникланган. Боланинг ҳомиладорлик ёши қанчалик паст бўлса, фосфор-креатинин даражаси шунча паст бўлиши ва калций-креатинин даражаси шунча юқори бўлиши айтиб ўтилган. Юқорида айтиб ўтганимиздек, антенатал даврда рахитнинг олдини олиш жуда муҳимдир: ҳомиладор аёл организмига етарли миқдорда кальций, фосфор, D витамини тушиши учун кун ва тун давомида етарли уйқуга тўйиши, кундалик тартибга риоя қилиши, кунига камида 2-4 соат тоза ҳавода юриши, ҳомиладор аёлнинг рационал овқатланиши муҳим. Калцийнинг энг яхши озиқовқат манбаи сут маҳсулотлари (пишлок, сут, кефир, творог) хисобланади. Сут ўрнига ҳомиладор аёллар учун мўлжалланган маҳсуслаштирилган сут ичимликларидан фойдаланиш тавсия этилади. Бу маҳсулотлар ҳомиладор аёл ва ҳомилада фосфор-кальций алмашинуви бузилишининг олдини олади [8]. Бундай ичимликлар бўлмаганда витамин-минерал комплексларни тавсия қилиш мумкин. D витамини манбаси: треск, тунц балиғи жигари, балиқ ёғи, кам миқдорда-сариёғ, тухум сариги, сут. Ҳомиладор аёлларга ҳомиладорликнинг 32-ҳафтасидан бошлаб, қиш-баҳор даврида (ноябрдан майгача) 8 ҳафта давомида 400-500 МЕ дозада D витамини буюрилиши керак. Экстрагенитал патологияси мавжуд барча ҳомиладор аёлларга (гестоз, қандли диабет, гипертония, ревматизм, семизлик ва бошқалар.) ҳомиладорликнинг 28-32- ҳафтасидан бошлаб, йил вақтидан катъи назар, 400-500 МЕ дозада 8 ҳафта давомида D витамини буюриш керак. Гиповитаминоз ҳавфи мавжуд бўлган ҳомиладор аёллар учун (корамагиз, ҳамроҳ касаллиги мавжуд, антиконвулсантлар қабул қилиб юрувчилар) бу дозани 800 МЕ га ошириш мумкин. Олиб борилган тадқиқотлар

ҳомиладорлик даврида кальций кўшимчаларидан фойдаланиш кераклигини кўрсатди. Шунинг учун уларнинг дозаси қабул қилинаётган D витамини нисбати билан тенг бўлиши керак. Чунки кальций препаратининг ортиқча бўлиши интоксикацияга олиб келади [4, 9, 19]. Постнатал рахит профилактикасида чала туғилган болаларни сунъий озиқлантириш пайтида таркибида Са ва Р миқдори чақалоқ эҳтиёжига жавоб берадиган мослаштирилган аралашмаларни тайинлашдан иборат (овқат таркибидаги Са:Р миқдори сўрилиш учун оптималь нисбатда 1: 1,5 -2,0 бўлиши керак). Ҷақалоқларни табиий озиқлантиришда кўкрак сути фортификаторлари ёки 60 мг / кг Са ва фосфор учун 30 мг / кг миқдорида кўшимча минералларни кўшимча тайинлаш лозим. Фосфорнинг чала туғилган чақалоқка кўшимча киритилишининг асосий кўрсатмаси қон зардобида унинг 1,5 ммол / л дан паст бўлиши ва Са нинг суткалик экскрецияси 6 мг / кг дан ошиши ёки Са:Р нисбати сийдикда 1 дан ортиқ бўлишидир. Тана вазни етишмовчилигининг 2-даражасида йил давомида ҳар куни 1000-2000 МЕ; 2 йилдан бошлаб дозаси кунига 400-1000 МЕ га камайтириб борилди. Бундай патогенетик ёндашув даво самарарадорлигининг ошишига олиб келди (97%). Тана вазни етишмовчилиги ўта оғир даражаси билан туғилган кўкрак сути билан озиқланадиган (30 ҳафтадан кам муддатда туғилган) болаларга кўшимча фортификатор моддалар ёки кальций (кальций глюконат, кальций глицерофосфат ва бошқалар) ва фосфор тузлари (натрий фосфат, калий фосфат ва бошқалар) буюрилди. Адабиётлардан маълумки, чала туғилган чақалоқлар учун D витамининг юқори профилактик дозаларини тайинлаш тенденцияси ҳозирги кунда ишончли илмий далилларга асосланмаган ва гипервитаминоз ривожланиш ҳавфи катта. Рахитнинг носпешник давоси – касалликни даволашда бу жуда муҳим таркибий қисм хисобланади. Шу боис, кузатув остидаги болаларда етарли жисмоний фаоллик ва дам олиш тартибини тўғри ташкил этиш, тоза ҳавода сайр қилиш, липидлар оксидланишини нормаллаштириш ва ҳужайра биомембраналарини барқарорлаштириш мақсадида антиоксидантларни тайинлаш (витамин A, E), организмдаги метаболик жараёнларни яхшилайдиган дори-дармонларни тайинлаш (левокарнитин ва бошқалар) даволаш самарарадорлигини ошириди (67,8%). Бундан ташқари, дори терапияси бошлангандан 2 ҳафта ўтгач болаларга физиотерапия машқлари ва массаж тавсия этилди. Бизнинг маълумотларимиз адабиётдаги маълумотлар билан мос келади [2]. Рахит касаллигининг специфик давоси D 3 витаминини (холекальциферол сувли ёки мойли

эритмаси, 500 МЕ 1 томчи шаклида) ёки D 2 витаминини (эргокальциферол - ёғ эритмаси) буюриши орқали амалга оширилди [3]. D витаминининг терапевтик дозалари ҳозирга кадар муҳокама қилинмоқда. Одатда D витамини 2500-5000 МЕ дозада (оптимал доза 2000-4000 МЕ) буюрилади. Сўнгра дозани босқичма-босқич ошириб, индивидуал терапевтик дозага ўтказилади, у 30-45 кун давомида кўлланилади, сўнгра бу доза профилактик дозагача (500 МЕ) камайтирилиб, 2-3 йилгacha ҳар куни буюрилади. D витамини дозаси, рахит касаллиги оғирлик даражаси боғлиқ кунига 1000-1500 дан 3000-4000 МЕ/суткагача тавсия этилади [5, 7]. Чала туғилган чақалоқлар учун D витамини дозаси бола ёшига, етуклик даражасига, вазнига, метаболизм даражасига қараб индивидуал танлаш жуда мухимdir [3].

**Хулося:** Шундай қилиб, чала туғилган чақалоқларда ўткир респиратор вирусли инфекцияларда рахит касаллиги белгилари ва лаборатор маълумотларда ҳам тез намоён бўлади. Бу ҳолат бола организми аъзолари ва тизимларининг морбофункционал етилмаганлиги билан боғлиқ. Шу боис, чала туғилган чақалоқларда ўткир вирусли респиратор инфекцияларда рахитнинг олдини олиш учун D витамини дозасини қатъий равишда индивидуал танлаш ва ўз вақтида беришни бошлиш керак.

#### Адабиётлар:

- Мальцев С.В., Шакирова Э.М., Архипова Н.Н. «Витамин D, кальций и фосфаты у здоровых детей и при патологии». Казань; 2012.
- Новиков П.В. «Рахит и наследственные рахитоподобные заболевания у детей». М.; 2006.6.
- Захарова И.Н., Коровина Н.А., Дмитриева Ю.А. «Роль метаболитов витамина D при рахите у детей». Педиатрия. 2010; 89 (3): 68-73.
- Спиречев В.Б. «О биологических эффектах витамина D». Педиатрия. 2011; 6: 113-9.
- Захарова И.Н., Яблочкива С.В., Дмитриева Ю.А. «Известные и неизвестные эффекты витамина D». Вопросы современной педиатрии. 2013; 12 (2): 20-5.
- Крохина К.Н., Смирнова И.Е., Кучеренко А.Г., Беляева И.А. «Особенности формирования костной ткани у новорожденных детей». Российский педиатрический журнал. 2010; 5: 36-41.16.
- Рустамова Ш.А., Вафокулова Н.Х. «Сравнительный анализ проблемы острой кишечной инфекции у детей раннего возраста по годам в Самаркандской области». Тошкент тиббиет академияси ахборонномаси. № 5 2021, С. 148-152.

8. Рустамова Ш.А., Вафокулова Н.Х. «Самарқанд вилоятида эрта ёшдаги болаларда ўткир ичак инфекциялари муаммоларини йиллар кесимида солиштирма таҳлил қилиш». Журнал гепатогастроэнтерологических исследований. Ежеквартальный научно-практический журнал №1 (Том 2) 2021 год. С. 101-104.

9. Рустамова Ш.А. «Республикамизда болаларда ўткир юкумли ичак касалликларининг иқлимий ўзгаришлар билан боғлиқларини таҳлил қилиш (Самарқанд вилояти миқёсида)». Биология ва тиббиет муаммолари илмий амалий журнал. №3 (128) 2021 С.102-107.

10. Рустамова Ш. А., Вафокулова Н.Х., Саимова Х.А. «Влияние способа родоразрешения на кишечный микробиоценоз у новорожденных и методы профилактики» Республиканлық ғылыми журнал республиканский научный журнал “vestnik” of the South-Kazakhstan medicina academy Republican scientific journal С.119-123.

11. Рустамова Шахло Абдухакимовна, Вафокулова Наргиза Хамзаевна, Хусanova Мамура Шералиевна «Современные аспекты реабилитации детей с острой кишечной инфекцией»//IQRO – №. 2-2 (2023/3/28) – С. 130-135.

12. Джумаева Н., Абдухамитова М., Шодиева Д. Клинико-лабораторная характеристика паротитной вирусной инфекции у взрослых в современных условиях //Журнал вестник врача. – 2012. – Т. 1. – №. 04. – С. 54-57.

Sobirovna D. N., Zakirovna U. G., Abdujalolovna S. D. Post-covid syndrome in new coronavirus infection //Web of Scientist: International Scientific Research Journal. – 2022. – Т. 3. – №. 6. – С. 1106-1112.

#### МЕТОДЫ ПРИМЕНЕНИЯ ВИТАМИНА D ПРИ ОСТРЫХ РЕСПИРАТОРНЫХ ВИРУСНЫХ ИНФЕКЦИЯХ У НЕДОНОШЕННЫХ ДЕТЕЙ

Джумаева Н.С., Восеева Д.Х.

**Резюме.** В статье представлены данные о частоте формирования рахита у недоношенных детей с острыми респираторными вирусными инфекциями, которая существенно повышена по сравнению с уровнем у доношенных, что обусловлено морбофункциональной незрелостью органов и систем, особенностями адаптации, а также перинатальной и антенатальной патологией. Обсуждаются вопросы о профилактических и лечебных дозах витамина D у недоношенных детей с острыми респираторными вирусными инфекциями с учетом их индивидуальных особенностей.

**Ключевые слова:** рахит, недоношенные дети, витамин D, острые респираторные вирусные инфекции.